



Broj: 02/1-18-41313-1/25
Tuzla, 16.12.2025. godina

Na osnovu člana 5. Odluke o uslovima, kriterijima i postupku raspodjele sredstava za sufinansiranje manifestacija koje imaju značaj za razvoj turizma Tuzlanskog kantona, broj 02/1-18-20254/25 od 27.05.2025.godine i Odluke o izmjenama i dopunama Odluke o uslovima, kriterijima i postupku raspodjele sredstava za sufinansiranje manifestacija koje imaju značaj za razvoj turizma Tuzlanskog kantona broj 02/1-18-41313/25 od 16.12.2025. godine, ministar trgovine, turizma i saobraćaja Tuzlanskog kantona raspisuje:

PONOVLJENI JAVNI POZIV za podnošenje prijava za sufinansiranje manifestacija koje imaju značaj za razvoj turizma Tuzlanskog kantona

1. PREDMET POZIVA

Predmet Javnog poziva je sufinansiranje i podrška manifestacijama koje imaju značaj za razvoj turizma Tuzlanskog kantona (u daljnjem tekstu: Kanton) i čija realizacija će doprinijeti ostvarenju sljedećih strateških ciljeva:

- a) Poticati razvoj održivog turizma u Kantonu;
- b) Unaprijediti konkurentnost turizma Kantona.

Odlukom o uslovima, kriterijima i postupku raspodjele sredstava za sufinansiranje manifestacija koje imaju značaj za razvoj turizma Tuzlanskog kantona, 02/1-18-20254/25 od 27.05.2025.godine i Odlukom o izmjenama i dopunama Odluke o uslovima, kriterijima i postupku raspodjele sredstava za sufinansiranje manifestacija koje imaju značaj za razvoj turizma Tuzlanskog kantona broj 02/1-18-41313/25 od 16.12.2025. godine (u daljnjem tekstu: Odluke), definisan je postupak upravljanja resursima i dodjele bespovratnih finansijskih sredstava iz Budžeta Tuzlanskog kantona („Službene novine Tuzlanskog kantona“ br 18/24, 7/25 i 16/25).

Odluke su donesene u skladu sa strateškim ciljevima i prioritetima naznačenim u Strategiji razvoja turizma na području Tuzlanskog kantona za period 2024. – 2029. godina.

2. SVRHA DODJELE SREDSTAVA

Javnim pozivom će se bespovratna finansijska sredstva dodjeljivati za sufinansiranje manifestacija čija realizacija ispunjava sljedeće ciljeve:

- a) povećati broj turista koji posjećuju Kanton,
- b) promovisati kulturnu baštinu, tradiciju i običaje Kantona,
- c) povećati vidljivost Tuzlanskog kantona kao poželjne turističke destinacije,
- d) unaprijediti promociju turističke ponude Kantona,
- e) obogatiti turističku ponudu na području Kantona,
- f) produžiti turističku sezonu na području Kantona.

3. PRIHVATLJIVOST TROŠKOVA

Sve aktivnosti, oko organizacije i realizacije manifestacije moraju biti završene do 31.12.2025.godine.

Nije dozvoljena nabavka usluga od fizičkog lica koje nije registrovano za obavljanje djelatnosti koja je predmet nabavke.

Neprihvatljivi troškovi za koje se ne mogu koristiti sredstva su: kupovina i dugoročno iznajmljivanje objekata, zemljišta, motornih i priključnih vozila, izgradnja, obnova, rekonstrukcija i modernizacija objekata, kupovinu opreme i slično, plaće i doprinosi na plaće, druga davanja koja nemaju karakter plaća uposlenicima aplikanta, nabavka usluga i opreme od lica koja nisu registrovana kao poslovni subjekti, cesije, krediti, lising, kompenzacije, polise osiguranja lica i imovine i svi ostali mogući troškovi koji nisu u skladu sa namjenom projekta/manifestacije iskazanom u prijavnim obrascu i budžetu projekta.

Predloženi projekti /manifestacija se neće razmatrati niti finansijski podržati ukoliko su:

- a) usmjereni isključivo za ostvarivanje vjerskih ciljeva,
- b) usmjereni na promociju programa političkih stranaka,
- c) usmjereni isključivo na investicijska ulaganja,
- d) podnosioci zahtjeva nisu dostavili izvještaje o namjenskom utrošku sredstava dobijenih u prethodnoj godini od Vlade Kantona,
- e) podnosioci zahtjeva sa sjedištem izvan Kantona,
- f) podnosioci koji su prethodno sufinansirani iz Budžeta Kantona, za isti program/projekat u 2025. godini,
- g) koji se neće realizovati u 2025. godini,
- h) koji se realizuju van područja Kantona.

Svako korištenje odobrenih sredstava suprotno definisanim namjenama smatrat će se nenamjenskim utroškom.

4. PRAVO UČEŠĆA

Bespovratna sredstva dodjeljuju se lokalnim turističkim zajednicama, neprofitnim organizacijama i udruženjima organizatorima manifestacije na području Tuzčanskog kantona koja će se realizovati do 31.12.2025.godine.

Podnosilac prijave je dužan prikazati tačne podatke o izdvojenim finansijskim sredstvima kroz prijavni obrazac i budžet, zajedno sa izjavom o minimalnom iznosu sufinansiranja.

5. PODNOŠENJE PRIJAVE

Uz prijavu na Javni poziv, koja se dostavlja na Obrascu I, podnosilac prijave dostavlja:

- 1) Spisak dostavljene dokumentacije,
- 2) Plan i program projekta/manifestacije,
- 3) Finansijski plan projekta/manifestacije sa traženim elementima (ukoliko je plan izrađen na osnovu ponuda, potrebno je uz plan dostaviti i ponude) - ispunjen, potpisan, ovjeren i u cjelosti popunjen isključivo na računaru,
- 4) Rješenje o registraciji – original ili ovjerena kopija,
- 5) Statut ili drugi dokument koji pokazuje ciljeve neprofitne organizacije koji trebaju biti vezani za turizam – original ili ovjerena kopija,
- 6) Uvjerjenje o poreznoj registraciji kod Porezne uprave FBiH – ID broj – original ili ovjerena kopija,

- 7) Obavještenje o razvrstavanju prema klasifikaciji djelatnosti – original ili ovjerena kopija,
- 8) Uvjerenje o urednom ispunjavanju obaveze plaćanja poreza i doprinosa (direktnih i indirektnih). Ukoliko podnositelj prijave nije obveznik indirektnih poreza dostaviti uvjerenje Uprave za indirektno oporezivanje ili ovjerenu izjavu – original ili ovjerena kopija,
- 9) Uvjerenje da se protiv podnosioca prijave, odnosno lica ovlaštenih za zastupanje, ne vodi krivični postupak (uvjerenje od nadležnog suda) i nije pravosnažno osuđen za prekršaj i/ili počinjenje krivičnog djela (uvjerenje od nadležnog MUP-a) – original ili ovjerena kopija,
- 10) Vremenski plan realizacije predloženih aktivnosti i finansiranja,
- 11) Ugovor sa bankom o otvaranju transakcijskog računa ili drugi dokument koji potvrđuje postojanje trenutno aktivnog bankovnog računa na koja će se doznačiti odobrena sredstva,
- 12) Potpisanu izjavu o namjeri i iznosu vlastitog sufinansiranja,
- 13) Izjavu o korištenim podrškama male vrijednosti,
- 14) Foto dokumentaciju ukoliko se radi o manifestaciji koja je organizovana i ranije,
- 15) Dokaz o sufinansiranju, ukoliko je projekat sufinansiran i iz drugih izvora,
- 16) Potvrda, odnosno mišljenje lokalne samouprave da manifestacija ima značaj za razvoj turizma, izgradnju povoljnog turističkog imidža i obogaćivanju turističke ponude kako na nivou lokalne samouprave tako i Kantona u cjelini.

NAPOMENA: Dokumentacija mora biti original ili ovjerena kopija od strane nadležnog organa koja ne može biti starija od 60 dana. Dokumentacija treba biti složena prema gore navedenom redoslijedu (1-16).

6. SREDSTAVA ZA DODJELU

Bespovratna sredstva za pojedinačni projekat/manifestaciju mogu iznositi minimalno 2.000 KM (slovima: dvijehiljade konvertibilnih maraka) do maksimalno 7.000 KM (slovima: sedamhiljada konvertibilnih maraka).

Raspoloživa sredstva po ovom Javnom pozivu iznose 15.810,00 KM (slovima: petnaest hiljada osam stotina i deset konvertibilnih maraka).

Za svaku predloženi projekat podnositelj prijave mora obezbijediti novčano sufinansiranje u iznosu od najmanje 30% iz vlastitih izvora sredstava od ukupnog iznosa budžeta predložene manifestacije.

Podnositelj prijave je dužan prikazati tačne podatke o izdvojenim finansijskim sredstvima kroz prijavni obrazac i budžet, zajedno sa izjavom o minimalnom iznosu sufinansiranja.

Podnositelj prijave ima pravo prijaviti na Javni poziv samo jedan projekat/manifestaciju koji će realizovati do 31.12.2025. godine.

7. IZBOR KORISNIKA I PRAVNA ZAŠTITA

Ministar rješenjem imenuje komisiju za provođenje postupka dodjele sredstava po Javnom pozivu (u daljnjem tekstu: Komisija).

Komisija ima zadatak da razmotri prijave pristigle po Javnom pozivu, utvrdi da li su ispunjeni opšti i posebni kriteriji utvrđeni Javnim pozivom, izvrši bodovanje i sačini preliminaru listu.

Članovi Komisije potpisuju izjavu o nepristrasnosti i povjerljivosti.

Komisija utvrđuje blagovremenost, potpunost te usklađenost prijave s opštim kriterijima Javnog

poziva. Prijave pristigle po objavljenom Javnom pozivu obrađuju se po redoslijedu zaprimanja.

Nakon formalno-pravne provjere svake pristigle prijave i izvršenog bodovanja, Komisija će utvrditi rang listu prijava.

U slučaju da dvije ili više prijava imaju isti broj bodova, izvršit će se rangiranje tih prijava na osnovu ranijeg zaprimanja potpune prijave.

Prijave, koje su nepotpune, neblagovremene i nisu podnesene na propisani način, neće biti razmatrane.

Komisija na osnovu utvrđenih kriterija utvrđenih Odlukom, utvrđuje preliminarnu listu odabranih projekata i projekata koji nisu prihvaćeni za sufinansiranje.

Preliminarna lista odabranih projekata i projekata koji nisu prihvaćeni za sufinansiranje se objavljuje na web stranici Ministarstva i Vlade Kantona, a sadrži:

- a) naziv podnosioca prijave,
- b) naziv projekata/manifestacije,
- c) iznos sufinansiranja,
- d) razloge zbog kojih projekat/manifestacija nisu prihvaćeni.

Na preliminarnu listu podnosioci prijava mogu izjaviti i dostaviti pisani prigovor u roku od 5 dana od dana objave preliminarne liste, na način utvrđen u Javnom pozivu.

Prigovori se predaju u zatvorenoj koverti lično na **adresu Centralne pisarnice Vlade Kantona u ulici Fra Grge Martića br. 8 (preko puta Srednje medicinske škole) u Tuzli.**

Odluku o prigovoru donosi Ministar, u roku od 5 dana od dana isteka roka za prigovor. Odluka Ministra po izjavljenom prigovoru je konačna.

Po okončanju roka za prigovor i nakon rješavanja prigovora, Ministar donosi Odluku o utvrđivanju konačne liste o odobravanju finansijskih sredstava korisnicima sa iznosima sufinansiranja. Konačna lista se objavljuje na web stranici Ministarstva i Vlade Kantona.

U skladu sa Odlukom o utvrđivanju konačne liste, sa odabranim korisnicima se u roku od 15 dana od objavljivanja konačne liste, zaključuje Ugovor kojim će se definisati međusobna prava, obaveze, odgovornosti i rokovi realizacije projekta/manifestacije.

Odabir projekata i dodjela bespovratnih sredstava vrši se na osnovu sljedećih posebnih kriterija:

Kriterij	Opis	Jedinica mjere	Max. broj bodova (0-10)	Ocjena (1-10)	Komentar
Broj posjetitelja	Ukupan broj posjetitelja na manifestaciji u prethodnim godinama (ako se manifestacija	Broj posjetitelja - do 100 posjetitelja – 1 bod 100–300 – 3 boda	10		

	organizovala ranije)	• 300-500 – 5 bodova • 500-1000 – 8 bodova • preko 1000 – 10 bodova			
Medijska pokrivenost	Medijska pokrivenosti manifestacije (novine, televizija, internet, društvene mreže).	Broj medijskih objava/dosega publike na društvenim mrežama • 2 objave / 5.000 doseg – 3 • 3-4 objave / 10.000 doseg- 5 bodova • 5-7 objava / 20.000 doseg – 8 bodova • 8-10 objava / 50.000 doseg – 9 bodova • 10+ objava / 70.000+ doseg – 10 bodova	10		
Broj stranih posjetitelja	Postotak stranih posjetitelja u odnosu na ukupni broj posjetitelja.	Postotak posjetitelja (%) • do 1% – 1 bod • 1%–5% – 2 boda • 6%–10% – 5 bodova • 11%-20% - 8 bodova • preko 20% – 10 bodova	10		
Sponzori i partneri	Broj i kvaliteta sponzora i partnera koji financijski ili logistički podržavaju manifestaciju.	Broj sponzora • 1 sponzor / vrijednost do 500 KM – 2 boda • 2–3 sponzora / do 2.000 KM – 4 boda • 4–5 sponzora / do 5.000 KM – 6 bodova • 6-7 sponzora / do	10		

		10.000 KM – 8 bodova 8+ sponzora / preko 10.000 KM – 10 bodova			
Organizacijski tim i prethodna iskustva	Iskustvo organizacijskog tima i njihova prethodna postignuća u organizaciji sličnih događanja.	Broj prethodnih organiziranih manifestacija - Bez prethodnog iskustva – 0 bod 1–2 manifestacije – 3 boda 3–5 manifestacija – 6 bodova 6–10 manifestacija – 8 bodova 10+ manifestacija – 10 bodova	10		
Finansijska održivost	Jasno prikazivanje budžeta manifestacije, prihodi, troškovi, povrat investicija i dugoročna održivost.	- Nejasni prihodi i rashodi – 0 bod - Osnovni budžet, bez povrata i uvida u održivost – 3 boda - Jasna struktura budžeta i djelimična održivost – 6 bodova - Jasna struktura budžeta i potpuna – 10 bodova	10		
Postojeći i planirani programi (sadržaj manifestacije)	Raznovrsnost i kvaliteta programa manifestacije te njihov utjecaj na turističku ponudu.	Broj programa / trajanje manifestacije 1 program / 1 dan – 2 boda 2–3 programa / 1 dan – 4 boda 4–5 programa / 2 dana – 6 bodova	10		

		• 6–8 programa / 2–3 dana – 8 bodova • 9+ programa / 3+ dana – 10 bodova			
Doprinos pozitivnom turističkom imidžu Tuzlanskog kantona	Pozitivan uticaj na imidž Kantona kao turističke destinacije i prilika za predstavljanje domaće kuhinje, kulturnih, prirodnih i drugih turističkih atrakcija Kantona.	Broj aktivnosti kojim se predstavlja domaća kuhinja, kulturne, prirodne i druge turističke atrakcije Kantona. • 1 aktivnost – 2 boda • 2–3 aktivnosti – 5 bodova • 4–5 aktivnosti – 7 bodova • 6–7 aktivnosti – 9 bodova • 8+ aktivnosti / visok medijski i sadržajni uticaj – 10 bodova	10		

Podnosilac prijave može ostvariti maksimalno 80 bodova po prijavljenom projektu. Bespovratna sredstva odobravaju se samo za projekte koji ostvare 50 i više bodova.

Svi kriteriji za ocjenjivanje predloženog projekta moraju biti jasno navedeni i obrađeni u prijedlogu projekta na propisanim obrascima, a mogu biti potvrđeni i dodatnom dokumentacijom (mišljenje nadležnog organa lokalne samouprave, mišljenje lokalne turističke zajednice i sl.).

8. ROK ZA DOSTAVLJANJE PRIJAVA

Rok za dostavljanje prijava je 6 dana od dana objave ovog Javnog poziva. Javni poziv će biti objavljen na web stranici Ministarstva trgovine, turizma i saobraćaja Tuzlanskog kantona: <http://mttstk.gov.ba/> i web stranici Vlade Tuzlanskog kantona: <http://vladat.kim.ba/>.

Smatra se da je prijava blagovremena ukoliko je zaprimljena u **Centralnoj pisarnici kantonalnih organa Tuzlanskog kantona, u ulici Fra Grge Martića br. 8, do 22.12.2025. godine do 12.00 sati.**

Nepotpune i neblagovremene prijave na ovaj Javni poziv neće se uzeti u razmatranje.

Podnosilac, koji je prijavu predao putem preporučene pošte, a čija prijava bude zaprimljena u Centralnu pisarnicu nakon utvrđenog roka, preuzima rizik neblagovremenosti i njegova prijava, kao neblagovremena, neće biti razmatrana.

9. MJESTO I NAČIN PODNOŠENJA PRIJAVA

Prijave se podnose Ministarstvu trgovine, turizma i saobraćaja Tuzlanskog kantona u zatvorenoj koverti, putem preporučene pošte, na adresu:

Ministarstvo trgovine, turizma i saobraćaja Tuzlanskog kantona
Fra Grge Martića br. 8
75000 Tuzla,

ili lično u Centralnu pisarnicu kantonalnih organa Tuzlanskog kantona u ulici Fra Grge Martića br.8 (preko puta Srednje medicinske škole) u Tuzli.

Na zatvorenoj koverti obavezno je navesti:

-NE OTVARATI-
PRIJAVA NA PONOVLJENI JAVNI POZIV
za podnošenje prijava za sufinansiranje manifestacija koje imaju značaj za razvoj turizma
Tuzlanskog kantona

Na poledini zatvorene koverta obavezno navesti: naziv, adresu i kontakt telefon podnosioca prijave.

10. OSTALE ODREDBE

Odabrani korisnici bespovratnih sredstava se obavezuju promovisati u svojim javnim nastupima provedbu manifestacije i ostvarene rezultate te kroz svoje promotivne aktivnosti navoditi Vladu Kantona i Ministarstvo kao institucije koje sufinansiraju manifestaciju te isto uz izvještaj potkrijepiti dokazima (info tabele, brošure, promotivni materijal u digitalnom obliku, plakati, videozapisi, članci iz novina i slično).

Odabrani korisnici bespovratnih sredstava se obavezuju pozvati predstavnike Ministarstva na manifestaciju, konferenciju i druge aktivnosti u okviru provedbe projekta (najava, otvorenje i slično).

Sve sumnje na zloupotrebe odobrenih i bespovratnih sredstava će biti istražene i po potrebi sankcionisane u skladu sa zakonom.

Ministarstvo trgovine, turizma i saobraćaja Tuzlanskog kantona ne snosi nikakve troškove podnosiocu prijave u pripremi i dostavljanju prijave po ovom Javnom pozivu. Prijava (dostavljeni zahtjev i dokumentacija) po ovom Javnom pozivu **ne vraća se podnosiocu prijave**.

Sva dodatna pitanja u vezi ovog Javnog poziva mogu se postaviti svakim radnim danima u terminima od 12 do 14 sati na broj telefona 035/369 486.


MINISTAR
Almir Žilić, dipl. ecc.